

# Širom zemlje proslavljena pobjeda reprezentacije BiH

Nedjelja, 11 Oktobar 2009

Veliki broj građana Bosne i Hercegovine izašao je na ulice i bodrio našu reprezentaciju. Nakon završetka utakmice navijači u Sarajevu formirali su kolonu u glavnom ulicom, uz zvuke sirena, kružili gradom kako bi proslavili pobjedu nad Estonijom i plasman naše reprezentacije u baraž za odlazak na Svjetsko prvenstvo koje se naredne godine održava u Južnoj Africi.

Veliki broj građana slavio je pobjedu bosanskohercegovačke reprezentacije, a navijalo se i slavilo i u Mostaru, Zenici, Biharu, Goraždu i Travniku. Proslava pobjede naše nogometne reprezentacije protekla je bez većih problema i incidenata.

I u centru Travnika formirana je kolona vozila koje je višestruko prošla kroz centar grada i na taj način je proslavljena pobjeda bh. nacionalnog tima u Talinu protiv Estonije. Uz sirene, zastve i druga navijačka obilježja slavilo se do kasno u noć. Prema informacijama iz Ministarstva unutrašnjih poslova SBK proslava je na području policijskih uprava SBK prošla bez incidenata, a zahvaljujući i izuzetnom angažmanu policajaca koji su sinoć bili na svim važnijim raskrsnicama u gradu Travniku.